



Austevoll kommune

MØTEINNKALLING

Utval: RÅD FOR MENNESKE MED NEDSETT FUNKSJONSEVNE
Møtestad: KOMMUNESTYRESALEN
Møtedato: 22.04.2010 Kl. 15.00

Eventuelt forfall skal meldast til tlf. 55 08 10 00 Offentleg servicekontor.
Varamedlemar møter berre etter nærare innkalling frå administrasjonen.
Møte er ope for tilhøyrarar.
Saksdokument er lagde ut til offentleg gjennomsyn på Offentleg servicekontor.

SAKSLISTE

Sak nr.	Saktittel
001/10	SITUASJONEN FOR LEGETENESTA I AUSTEVOLL, NO OG I FRAMTIDA
002/10	YMSE

Storebø, 15.04.2010

Janicke Wage
Leiar

SAKSFRAMLEGG

Saksnr	Utval	Møtedato	Sakshandsamar
	ELDRERÅDET		Rolf E. Nøstdal
046/10	FORMANNSKAPET	06.04.2010	Rolf E. Nøstdal
009/10	TENESTEUTVALET	07.04.2010	Rolf E. Nøstdal
001/10	RÅD FOR MENNESKE MED NEDSETT FUNKSJONSEVNE	22.04.2010	Rolf E. Nøstdal
	KOMMUNESTYRET	27.04.2010	Rolf E. Nøstdal

Arkivsaknr. 09/823

Arkiv: FA-G21

SITUASJONEN FOR LEGETENESTA I AUSTEVOLL, NO OG I FRAMTIDA

Rådmannen si tilråding:

1. Austevoll kommune skal ha ein legebemanning slik at den normale vaktbelastning er 5 delt vakt. Det tilsetjast ein ny lege frå vinteren 2011 under føresetnad av at kontorforholda er på plass.
2. Ved behandling av budsjett 2011 er det som mål å få auka stillingsheimel for legesekretær.
3. Austevoll kommunestyret vedtek at ein på sikt skal ha eit helsesenter i tilknytning til Storebø pleie- og omsorgsenter. Planlegging av det nye senteret skal starte opp i løpet av 2012.

06.04.2010 FORMANNSKAPET

Handsaming i møtet:

Framlegg frå Høgre v/Julie Solbakken:

Saka vert å ta opp til handsaming i samband med budsjett 2011.

Framlegg frå FRP v/Helge Andre Njåstad:

Austevoll kommune skal ha ein legebemanning slik at den normale vaktbelastning er 5 delt vakt. Det tilsetjast ein ny lege frå vinteren 2011 under føresetnad av at kontorforholda er på plass.

Ved behandling av budsjett 2011 er det som mål å få auka stillingsheimel for legesekretær.

Austevoll kommunestyre vedtek at ein på sikt skal ha eit helsesenter i tilknytning til Storebø pleie- og omsorgsenter.

Austevoll kommunestyre vil planlegge det nye senteret i samband med innføring av samhandlingsreforma i Austevoll. Det vil vera mest framtidsretta då eit nytt bygg vil kunne dekke fleire av dei behova som det ser ut til at kommunane må møte i samhandlingsreformen også behov for fleire legeheimlar i kommunane.

Austevoll Formannskap viser til at Stortinget for budsjettet 2010 har løyvd tilskotsmidlar til lokalmedisinske sentra og kommunesamarbeid. Formannskapet viser til at det søknadsfrist 7. mai og eit krav for søknaden at prosjektet skal vera forankra i kommunestyret. Formannskapet ber difor rådmannen om å leggje fram skisse til prosjekt til kommunestyret 27. april.

Framlegg frå Sp v/Edvard Johannes Stangeland:

Austevoll kommune skal ha ein legebemannning slik at den normale vaktbelastning er 5 delt vakt. Det tilsetjast ein ny lege frå vinteren 2011 under føresetnad av at kontorforholda er på plass.

Ved behandling av budsjett 2011 er det som mål å få auka stillingsheimel for legesekretær. Austevoll kommunestyre vedtek at ein på sikt skal ha eit helsesenter. Lokalisering av dette vert å koma attende til.

Austevoll kommunestyre ber om at det vert sett ned ei arbeidsgruppe som på sikt kan arbeida med eit helsesenter i kommunen.

Austevoll kommunestyre gjer prinsippvedtak om å privatisere legane og ber rådmannen koma attende med konkret sak om det.

Det vart først røysta over framlegget frå Julie Eide Solbakken som fekk 2 røyster (Julie Eide Solbakken og Kurt Frank H).

Det vart så røysta over tilrådinga frå rådmannen som ikkje fekk røyster.

Deretter vart det røysta over framlegget frå Edvard Johannes Stangeland som fekk 1 røyst (Edvard Johannes Stangeland SP).

Til slutt vart det røysta over Helge Andre Njåstad sitt framlegg som vart vedteke med 6 mot 2 røyster (Edvard Johannes Stangeland SP og Julie Eide Solbakken H).

FSK-046/10 Vedtak:

Austevoll kommune skal ha ein legebemannning slik at den normale vaktbelastning er 5 delt vakt. Det tilsetjast ein ny lege frå vinteren 2011 under føresetnad av at kontorforholda er på plass.

Ved behandling av budsjett 2011 er det som mål å få auka stillingsheimel for legesekretær.

Austevoll kommunestyre vedtek at ein på sikt skal ha eit helsesenter i tilknytning til Storebø pleie- og omsorgsenter.

Austevoll kommunestyre vil planlegge det nye senteret i samband med innføring av samhandlingsreforma i Austevoll. Det vil vera mest framtidsretta då eit nytt bygg vil kunne dekke fleire av dei behova som det ser ut til at kommunane må møte i samhandlingsreformen også behov for fleire legeheimlar i kommunane.

Austevoll Formannskap viser til at Stortinget for budsjettet 2010 har løyvd tilskotsmidlar til lokalmedisinske sentra og kommunesamarbeid. Formannskapet viser til at det søknadsfrist 7. mai og eit krav for søknaden at prosjektet skal vera forankra i kommunestyret. Formannskapet ber difor rådmannen om å leggje fram skisse til prosjekt til kommunestyret 27. april.

07.04.2010 TENESTEUTVALET

Handsaming i møtet:

Ingrid V. Duesund (Sp) har denne merknaden til vedtaket: Saka må diskuterast meir i partiet (Sp) då bl.a. møte i formannskapet vart lagt til dagen før møte i tenestutvalet og ser dette som uheldig for saka. Spesielt avsnittet om at ein på sikt skal ha eit helsesenter.

Elles tek tenestutvalet formannskapet sitt vedtak til etterretning

Framlegget vart samrøystes vedteke.

TEN-009/10 Vedtak:

Ingrid V. Duesund (Sp) har denne merknaden til vedtaket:

Saka må diskuterast meir i partiet då bl.a. at møte i formannskapet vart lagt til dagen før møte i tenestutvalet og ser dette som uheldig for saka. Spesielt avsnittet om at ein på sikt skal ha eit helsesenter.

Tenestutvalet tek formannskapet sitt vedtak til etterretning

Vedlagte saksdokument:

Bakgrunn for saka:

Kommunestyret har i sak 139/09 vedteke følgjande: *Kommunestyret vil tidleg i 2010 sjå på organiseringa av legetenesta og vurdere forhold som legestruktur, tal på legeheimlar osv. Sak om dette vert fremma til politisk handsaming første kvartal.*

Følgjande bør vurderast:

- Tal leger
- Tal legesekretærer
- Lokalisering av legane
- Privatisering
- Økonomi

Legestillingar

Austevoll kommune har 4,5 stillingar som lege inklusiv turnuslege. Kvar lege som arbeider 100% kurativt kan ha 1500 listepasientar. Ein av legane hos oss har felleliste (saman med turnuslege) og har derfor 1680 på sin liste. Dei andre legane har varierende listelengde. I Austevoll kommune har vi i dag 481 ledige plasser på listene. Dersom alle legane arbeidet bare kurativt har vi nok legestillingar til å dekke kommunen sitt behov for leger. I denne konklusjonen er ikkje vaktbelastning tatt med.

Ut over kurativt arbeid har legane følgjande arbeidsoppgåver:

- Tilsynsarbeid på sjukeheim
- Helsestasjonsarbeid

- Smittevern
- Legevaksordning, planlegging og administrering av akuttmedisin og helsemessig beredskap.
- Organisering og leing, inkl. kvalitetssikring, og kunnskap om helserett, dessutan arbeid med helsestatistikk/epidemiologi.
- Tverrfagleg arbeid, samarbeidsmøte
- Oppgåver innan miljøretta helsevern/samfunnsmedisin

I teorien har legane hos oss 4 delt vakt. Ein lege er friteken for vakt pga. alder i h.h.t. avtaleverk. I praksis har legane ein større vaktbelastning fordi vi i løpe av eit år svært ofte ikkje har 4 leger til stades for å dele vakta.

Legane har overtid gitt tilbakemelding på at vaktbelastninga er for stor. Dette kan vere ein av årsakene til at vi har stor utskifting av legar. For å få legekabalen til å gå opp har vi dei siste åra brukt mykje pengar på å leige inn dyre vikarar. Dette er ikkje ein god løysing verken for pasientar eller kollegar.

Legane har lenge vert klar på at kommunen må tilsette ein femte lege. Spesielt er det viktig å få ned vaktbelastninga. Fleire av legane vurderar å slutte dersom vaktbelastninga ikkje blir mindre i løpet av kort tid.

Frå våre legar er det signalisert at Samhandlingsreforma kan føra til at vi på sikt kanskje må ha 7 legar i kommunen. Det er også under vurdering å redusere tal pasientar frå 1500 til 1000 pr. lege..

Rådmannen si vurdering

Over lang tid har legane gitt tilbakemelding på at vaktbelastninga er for stor. Vi har hatt stor utskifting av legar og brukt mykje pengar på å leige inn legevikarar. Austevoll kommune bør derfor ha 5 legar som deler på vaktene.

Legesekretærer

Vi har i dag 2,8 kommunale årsverk som legesekretærer. Legane og legesekretæranne har over fleire år påpeika at det er for lite ressursar på legekantoret. Det er ingen fastlagt norm på hjelpepersonell til legar, men mange hevdar at ein lege må ha mellom 80% og 100% stilling som hjelpepersonell for å drive effektivt. Lege Sverre Rørtveit meiner at ein minimum må ha 4,2 stilling som legesekretær.

Rådmannen si vurdering

Forhold mellom tal legar og legesekretærer vil kunne endrast med tal legar. Dersom vi har lav dekning på legar må vi ha hjelpepersonell nok til at legen til ein kvar tid kan drive kurativt mest mogleg effektivt. Ved 5 leger på ein befolkning på 4600 har vi god legedekning og rådmannen meiner derfor at forholdstalet mellom lege og legesekretær, vil kunne vere lågare enn ved til dømes 4 legar. Ved samlokalisering av legetenesta, vil ein også kunne drive meir effektivt enn i dag. Rådmannen er samd i at vi har for svak bemanning av legesekretærer og at på sikt må bemanninga aukast.

Lokalisering av legane

Dersom vi ser 5 til 10 år fram i tida bør alle legane vere lokalisert på eit nytt helsesenter. Helsesenteret bør vere lokalisert i tilknytning til Storebø- pleie og omsorgssenter. Med samhandlingsreforma vil det vere uheldig ikkje å ha legane i nærleiken av pleieheimen. Ambulansestasjonen vil også bli plassert i nærleiken av Storebø. Våre legar deler også dette synet.

Fram til nytt helsesenet er bygd har vi fleire alternative løysingar:

- Legekontor på Storebø, Hundvåkøy og i Bekkjjarvik
- Legekontor på Storebø og i Bekkjjarvik
- Samle legekontora midlertidig til dømes i lokalane til sjukeheimen på Selbjørn.

Lokalane på Selbjørn vil kunne bli brukt som legekontor for alle legane. For å få dette til må ein investere i ombygging. Rådmannen har ikkje rekna på kva dette vil koste. Ut i frå at rådmannen og legane er einig i at den framtidige strukturen bør vere å samle legetenesta på Storebø, vil rådmannen ikkje tilrå at vi i ein overgangsperiode flyttar legane til Selbjørn.

Rådmannen si vurdering:

Når økonomien tilseier det bør nytt helsesenter bli bygd i tilknytning til pleieheimen. Inntil ein har fått gjort det bør ein oppretthalde legekontor i Bekkjjarvik og på Storebø. Ein må finne midlertidig løysing slik at kommunen kan ha 5 legar slik at vaktbelastninga blir redusert.

Privatisering

Ingen av legane ønskjer at vi skal privatisere legetenesta. Dette skulle indikere at det ikkje vil vere lettare å få stabile legar ved å gå bort frå den praksisen som vi har i dag. Legane er i dag næringsdrivande på vakt, men kommunalt tilsett i sin praksis på dagtid. Dette gjelder alle bortsett frå ein av legane som har ein eigen ordning.

Rådmannen si vurdering:

Rådmannen vil ikkje tilrå at vi bruker tid på å utgreie dette.

Økonomi.

Bruttokostnadene for ein lege er på ca. kr 970.000 og med det tal legar som vi har i dag er innteninga pr lege på ca. kr 500.000. Rådmannen vil anta at innteninga pr lege vil gå noe ned dersom ein tilsetter ein lege til. Pasientgrunnlaget tilseier at tal konsultasjonar pr. lege vil bli mindre med fleire legar. Dette førar til at nettokostnadene vil bli noe høgare. Austevoll kommune har i budsjett 2010 satt av kr 500.000 til innleie av legar. Dersom ein vidarefører desse midlane, vil det ikkje føre til store nye kostnader å tilsette ein femte lege.

Vurdering:

Over lang tid har legane meldt frå om at vaktbelastninga er for stor. Dette er nok ein av grunnane til at vi har stor utskifting av legar. Etter rådmannen si vurdering bør vi tilsette ein ny lege slik at det er 5 leger som deler på vaktene. Ved kortare fråver av ein lege som til dømes ferier, kurs m.m. vil vaktbelastninga vere 4 delt vakt. Ny lege bør tilsettast frå januar 2011 under føresetnad av at kontorforholda er tilfredsstillande for legetenesta. Rådmannen vil setje ned ein arbeidsgruppe for å sjå på alternative løysingar. Då dette er snakk om mellombelse løysingar er det viktig at løysingane blir gjort rimelegast mogleg.

Austevoll kommune har får lav ressurs for hjelpepersonell (legesekretærar). Auking av tal stillingar, bør vurderast i samband med budsjett 2011.

Framtidig lokalisering av legane bør vere i eit nytt helsesenter i tilknytning til Storebø pleie- og omsorgssenter. Ein bør starte planlegging av dette seinast i 2012.

Rådmannen vil tilrå at Austevoll kommune framleis skal ha kommunalt tilsette legar.

SAKSFRAMLEGG

Saksnr	Utval	Møtedato	Sakshandsamar
002/10	RÅD FOR MENNESKE MED NEDSETT FUNKSJONSEVNE	22.04.2010	Norunn Malene Storebø

Arkivsaknr. 10/620	Arkiv: FE-033
--------------------	---------------

Ymse - rådet for menneske med nedsett funksjonsevne

Rådmannen si tilråding:

Det vert oppretta politisk kvarter på dagsorden til møter i Rådet for funksjonshemma.

Vedlagte saksdokument:

Bakgrunn for saka:

Det vert oppretta politisk kvarter på dagsorden til møter i Rådet for funksjonshemma. Dette for å få fram gode idear, strategiar og tankar om tenestene i Austevoll kommune. Eit lite forum for spørsmål og svar.

Spørsmåla kan rettast til politisk leiing eller til administrasjonen. Dersom spørsmåla ikkje kan svarast på direkte, vert desse svara på i neste møte. Det kan ikkje gjerast vedtak i saker som vert teken opp dersom 1/3 av medlemmane eller møteleiar set seg mot dette, jfr. kommunelova.

Vurdering: